

Raporto laŭ la punkto 7.3.7. de la Statuto:

Raporto de AGEI, Landa Sekcio de ILEI por 2024

Nomo kaj mallongigo en Esperanto: Asocio de Germanaj Esperanto-Instruistoj / AGEI

Nomo kaj mallongigo nacilingve: Verband Deutscher Esperanto-Lehrer e.V., / VDEL

Jaro de fondo / Jaro de aliĝo al ILEI: 1968, nova statuto, nova registriĝo: 2006

Jura statuso: jes (registrita asocio ĉe juĝejo en Hannover, Registergericht, 04.07.2006)

Rilato kun Landa Asocio de UEA: jes sendependa faka asocio de GEA

Rilato kun Landa Asocio de TEJO:

ne oficiale, praktike en informinterŝanĝo, reciproka partopreno en eventoj

Membro-nombro en 2024: 53 45 paperaj, 8 retaj, (1 DM, 1 HM)

3 familianoj kun sama adreso, kiuj ne pagas plenan membrokotizon kaj ne ricevas IPR de ILEI, do la landa listo enhavas 56 membrojn.

Rajtigitaj komitatanoj por 2024: 4

Zsófia Kóródy

Dr. Rudolf Fischer

Christof Krick

Martin Ptasinski

Retejoj kaj kontaktiloj sekciaj:

Oficiala hejmpaĝo: jes

Oficiala ret-adreso: <http://esperanto.de/agei>

Ĉu via sekcio havas retgrupon: jes

Revuo sekcia:

jes, porokaza cirkulero, ĉ. 2-4 foje jare

Enlanda membrokotizo: jes

Nuna estraro de la sekcio:

Zsófia Kóródy, prezidanto

Dr. Rudolf Fischer, vicprezidanto

Christof Krick, kasisto

Martin Ptasinski, estrarano

=== *agado* ===

Propraj aranĝoj dum 2024:

1. La jarĉefkunveno de AGEI tradicie okazas dum la Germana Esperanto-Kongreso. En 2024 GEK okazis en Strasbourg (kombinita germana-franca Esperanto-kongreso, samtempe eŭropa Esperanto-kongreso). La AGEI kunsido dum GEK en tiu jaro allogis pli vastan publikon, do estis forumo por pli detala informado pri instruagadoj. Laŭkutime, reprezentantoj de Interkultura Centro Herzberg, Peter Zilvar kaj Zsófia Kóródy informis pri kursoj, instruado de Esperanto, klerigago por Esperanto-instruistoj kaj kursofertoj en Germanio kaj ankaŭ de la Esperanto-Centro Herzberg.

2. TORPEDO 19 (03-06 oktobro 2024) la Tradicia Oktobra Renkontiĝo PEDagogia okazis – kiel ĉiujare - en Herzberg am Harz – la Esperanto-urbo, organizita de AGEI, la Asocio de Germanaj Esperanto-Instruistoj kaj de la Filio de GEA por Klerigado kaj Kulturo en Esperanto-Centro Herzberg. La ĉijara invitita ĉefpreleganto estis Martin Ptasinski, estrarano de AGEI, sperta lingvisto kaj lingvoinstruisto. Zsófia Kóródy kaj Peter Zilvar raportis pri la biblioteko, pedagogia-metodika fakkolektaĵo de la Esperanto-Centro en Herzberg, pri ĝiaj vastaj agadoj, organizaj kaj informad-laboroj.

La ĉefcelo de tiu tradicia evento estas oferti fakan spertiĝon kaj spertinterŝanĝon pri lingvoinstruado kaj specife pri Esperanto-instruado, ebligi traktadon de ĝenerale uzataj kaj uzeblaj instrumentoj, informado pri en- kaj eksterlandaj fakaj eventoj, interesaĵoj, sciindaĵoj el la Esperanto-movado.

La plurtaga seminario okazis en hibrida formo, la prelegantoj anoncas siajn preleghorojn kaj temojn, krome estas la t.n. deĵorhoroj, kiam eblas ensaluti en la specialan Zoom-ĉambron, konsultiĝi kun la ĉeestantaj prelegantoj, fakuloj, iniciati diskuttemon kaj priparoli aktualaĵojn rilate al Esperanto-instruado. Tiu reta kontakteblo gravas por tiuj, kiuj pro sia aĝo, aŭ longa distanco, eventuale pro malsano, ne povas ĉeesti la eventon, sed povas tiel akiri novajn sciojn, informojn pri instrusperto kaj instruilataj movadaj eventoj, povas virtuale diskutadi pri fakaj temoj: gramatiko kaj metodiko, literaturo, movada organizado kaj informado.

Aranĝoj de aliaj kie la sekcio aperis:

1. La naŭan fojon estis organizita somera intensa Esperanto-kursaro (Semajnoj de Esperanto-Perfektigo - SEP) en kunlaboro kun Esperanto-Centro Herzberg. Ĝi estis dusemajna kaj internacia. La intensan instruadon helpas krom la regulaj instruhoroj ankaŭ komunaj aktivaĵoj kun daŭra lingvouzado ekz. dum preparado kaj konsumado de manĝaĵoj, posttagmezaj ekskursoj al la regiono, kulturaj programeroj, vizitoj al muzeoj, uzado de la Esperanto-biblioteko, ktp. Al la programo apartenis ankaŭ muziko, kantado, rakontado, prelegoj kaj prezentadoj. La partoprenantoj havis la eblon renkontiĝi, paroladi ankaŭ kun lokaj klubanoj.

La pli spertaj kaj kuraĝaj partoprenantoj povis spertiĝi ankaŭ pri instruado, kontribui al la lecionoj aŭ mem gvidi parton de ili, doni taskojn al la kursanoj. Ili ĝojis ricevi la ŝancon fariĝi por mallonga tempo kursgvidantoj kun la faka helpo far Zsófia Kóródy.

2. En oktobro 2024 kunvenis la reprezentantoj de landaj ligoj kaj fakaj asocioj de Germana Esperanto-Asocio (GEA) en Göttingen. La aktivuloj el diversaj regionoj el Germanio raportis pri la lokaj agadoj, okazis raportoj ankaŭ de GEJ kaj de la fakaj asocioj de GEA. Zsófia Kóródy raportis tie pri la agado de AGEI.

Propraj projektoj dum 2024:

Daŭras la kunlaboro inter AGEI kaj Interkultura Centro Herzberg (sub gvido de Peter Zilvar) respektive kun la t.n. Landa Plenkreskula Kleriginstitucio (Ländliche Erwachsenenbildung, LEB <https://www.leb-niedersachsen.de>). En tiu organiza kadro jam de naŭ jaroj okazadas tutjara kurs-kaj klerigprogramo kun variaj temoj, prelegoj, prezentadoj. De 2021 ĝi estas en virtuala formo, en la regulaj mardvesperaj "Buntaj Vesperoj", kies programo kun la aktuala ĉeftemo estas ĉiusemajne anoncita ĉe <http://eventaservo.org>. La agnosko far LEB estas grava atingajo, kiu ebligas montri la kulturperantan, edukon rolan de la internacia lingvo Esperanto.

Projektoj de aliaj en kiuj la sekcio kunlaboris:

Ni ofertas per la paĝaro de AGEI <http://agei.esperanto-urbo.de/page.php?pid=83839799> la informmaterialon de la projekto de ILEI „1 leciono pri Esperanto“. Ĝi estas havebla tie en pluraj lingvoj. Ĝin oni atingas ankaŭ sub la maldekstra menupunkto Biblioteko.

Ni subtenas ankaŭ la edukorganizaĵon edukado.net (<http://edukado.net>), kiu kolektas kaj disponigas sur sia hejmpaĝo informojn pri Esperanto-kursoj, ebligas diskutforumon, prezentadon de lernolibroj kaj grandan virtualan arkivon de instruhelpiloj, didaktikaj materialoj.

Ni instigas nian membraron kaj alvokas ĉiujn gekolegojn registri siajn kursojn kaj detalojn pri la instruado ĉe tiu komuna registrejo, do AGEI ne mem listigas Esperanto-kursojn en Germanio.

Varba agado en Esperanto kaj naciaj lingvoj:

Ni eluzas la bonan varbeblon pri Esperanto per kursofertoj aperigataj en la programkajeroj de germanaj Popolaltlernejoj (VHS), kiuj atingas vastan publikon. Ankaŭ en 2024 ni alvokis gekolegojn oferti siajn lokajn kursojn ĉe VHS en la koncerna regiono kaj utiligi iliajn senkoston servon. Estas bona tendenco, ke ĉiujare kelkaj lokaj kluboj, instruantoj ofertas Esperanto-kursojn tie. Eĉ se poste iu kurso ne realiĝas pro manko de sufiĉaj aliĝantoj, tamen la legantoj de tiuj programkajeroj estas informitaj pri Esperanto kaj ekscias pri la uzeblo de nia internacia lingvo.

Unu el la bonaj sukcesoj en 2024 estis la plurfoja virtuala Esperanto-kursoferto de Zsófia Kóródy per la retplatformo de VHS Berlin/Pankow. Ili specialiĝas pri t.n. malpli ofte uzataj, (foje eĉa apenaŭ konataj) lingvoj, dialektoj kaj serĉas prezentantojn por enkondukaj lecionoj.

<https://www.berlin.de/vhs/volkshochschulen/pankow/kurse/fremdsprachen/semester-highlights-1237572.php>

Tiel – laŭ ilia peto – Zsófia Kóródy sukcesis gvidi tiajn prov-lecionojn kvar foje en 2024 (en februaro, aprilo, septembro kaj novembro), ĉiam por ĉ. 10-25 aliĝintoj. Ili montris grandan intereson pri Esperanto kaj restas la espero, ke ili poste trovis, trovas regionajn klubojn, kursojn por daŭrigi la lingvolernadon.

Eĉ sur la paĝaro de Berlin aperas tiuj VHS-kursofertoj: <https://www.berlin.de/suche/?q=esperanto>

Alvokoj, AGEI-novaĵoj aperadas en la gazeto de GEA Esperanto aktuell, dissendiĝas per dissendolistoj, retpaĝoj, Facebook, ktp. Instigo al membriĝo okazas dum grandaj Esperanto-renkontiĝoj, kongresoj enlandaj, dum studsesioj de Germana Esperanto-Centro/Interkultura Centro Herzberg.

Sekciaj kontaktoj kun ne-esperantistaj organizoj kaj projektoj:

Ni ricevis informon ankaŭ de aliaj kolegoj, kiuj pli aŭ malpli regule kunlaboras kun lokaj popolaltlernejoj (Volkshochschule-VHS). En kelkaj urboj ankaŭ en 2024 aperis anoncoj kaj eĉ okazis Esperanto-lingvokursoj, kunvenoj.

Por plua helpo de organizado de tiaj kursoj AGEI subtenas gekolegojn per kolektado kaj modelcela aperigo de varbtekstoj por VHS-kajeroj. Tiujn tekstojn oni povas trovi sur la retpaĝaro de AGEI: <http://agei.esperanto-urbo.de/page.php?pid=97868652>

Konata E-instruado en via teritorio, praktike en kiom da lernejoj/universitatoj estas kursoj de Esperanto kaj kiom da kursoj ĉeestaj aŭ retaj okazas en via lando?:

Esperanto-instruado en lernejoj estas bedaŭrinde tre malofta. Pluraj aktivaj lernejoj instruistoj pensiuliĝis, junaj gekolegoj ne aktivis en lernejoj. Pro la bedaŭrinda forpaso de Sebastian Kirf ne plu okazas Esperanto-kursoj en la universitato de Emden.

Kelkaj lokaj kaj regionaj Esperanto-kluboj regule kunvenadas, ofertas lingvolernadon, babilrondojn kaj perfektigon, ekz. en Hamburg, Frankfurt, Stuttgart, Münster, Berlin, Hameln, Hamm, Neubrandenburg. Okazis VHS-kurso en Berlin kaj Frankfurt am Main.

Bonsukcesaj estas ankaŭ la retaj kursoj, kiujn gvidis Heinz Sprick surbaze de la lernmaterialo de lernu.net kaj la kursoj de Dr. Rudolf Fischer (Esperanto en dialogo, propra, ampleksa lernmaterialo).

Estas ĝojiga la regula kursofero de GEJ ekz. dum GEK, la t.n. KEKSO (Kreema Esperanto-Kurso) por komencantoj, kun laborrondoj kaj feriotempaj ofertoj.

Informoj pri Esperanto-lernado aperas sur la paĝaro de GEA: <https://www.esperanto.de/de/lernen>
Kursoferoj, ktp. estas troveblaj ĉe: <https://www.esperanto.de/de/enhavo/lerni/kurse-vor-ort>

Aliaj agadoj en 2024:

Ni daŭre kunagas kun Germana Esperanto-Centro (Filio de GEA por Klerigado kaj Kulturo) por la ordigado, pliriĉigo de la Biblioteko en Herzberg am Harz, kie okazas tutjara programo, multaj kunvenoj, kursoj kaj klerigseminarioj, do la biblioteko servas publikan intereson. Ofte estas serĉataj tie literaturaj verkoj, lernolibroj, vortaroj, instruhelpiloj kaj metodikaj libroj.

La pedagogia, metodika fakkolektaĵo estas specialaĵo de tiu biblioteko. Ĝi estas je dispono por partoprenantoj de la klerigseminarioj, metodikaj kursoj kaj verkantoj de faklaboraĵoj.